

Grüeni Brombeerstrücher – rüchen no am Bort  
Wo na Puur, a stuure – füüret ohni Wort  
D'Sunna lacht für alli – wo usem Nebel sind  
Dunna bachet d'Walli – en Zopf für d'Chind, der Ätti macht en Grind

Im Erdebeerfeld do stoht es Tier – s'isch klar s'git Mais  
Vreneli üebt no Klavier – Hansjoggeli holt sini Geiss  
Denn isch sie satt und mag kei Blatt – Salz wett sie a kais  
Der Puur isch matt und d'Stroos isch glatt – der Balz, de nümmt no eis

Und d'Geisse machend Geegel – so chugelrund  
Es chömmend d'Chind und d'Cheegel – und au der Ätti chunnt  
Der See, de isch im Peegel – d'Chirche schloot all Stund  
Am Horizont es Seegel – wieso isch es nid bunt – nid bunt?

Jungi Musikante – uf der Fүүrweehrrreis  
Im Schiff die alte Tante – mit eme graue Greis  
Und d'Buurefrau, die holt e Kante – der Balz nümmt nomol eis  
Am Bahnhof die Verwandte – jo, und wo isch etz d'Geiss, wo isch d'Geiss?

Teppichchlopfe, am Ständer hangend Sogge,  
d'Sogga stopfe, Wiggeler für in d'Logge  
Nidelzeltli, Rauch im Wäldni, denn a Schuss, em Max en Chuss  
D' Sue hät's gseh, es isch es Reh, er seit nu Stuss und sie macht Schluss

Ds'Heu abdegge, d'Ruth verschregge  
Butter und Schmalz, em Balz denn no es Chalts!  
Em Wonneproppe, no en Schoppe, Liecht ir Grotte, Gruess vor Gotte  
Pfadigruess und Pflumemues, ds'Fүүr am motte, Paul a Flotte

Windle hengge, Fahne schwengge  
Grossputz plane, e z'Nüüni für die Maane  
Lue dött ds'Grosi, si cha froh si, d'Wösch isch truche, Endi Wuche  
Fernseh spinnt, varrusa d'Chind, Blödsinn mache, alli lache

Brotteig chnetta, Uchrutt jetta  
Fenschter putze, Mähne schtutze  
Röschi cheere, d'Schross neu teere, Fleisch go poschte, Öpfel moschte  
Fondue rüere, s'Herz berüere, umeflueche, d'Geiss go sueche

Und der Ätti suecht siis Biss  
Was für n'es Gschiss!

Und d'Geisse machend Geegel – so chugelrund  
Es chömmend d'Chind und d'Cheegel – und au der Ätti chunnt  
Der See, de isch im Peegel – d'Chirche schloot all Schtund  
Am Horizont es Seegel – wieso isch es nid bunt? Wieso isch es nid bunt?